

北洋官報

目錄

宮門抄

交旨

奏議◎學部奏覆廣東高等學堂預科畢業獎券摺△陸

軍部奏請獎宿衛營各員摺

公禮◎學司詳一件△深礦公司稟一件△南宮縣稟一

件△江督札一件

文告五則△電報六則△新聞十五則

彙編◎山西自治研究所簡章

戊申官報目錄

圖書◎蘇州七里山圖

本報向於三六九日附送圖畫一頁自遭

國制暫行停送現在百日期滿准於本日起仍照舊例隨報附送

本日增刊戊申官報目錄一頁

本局第九十期政法學報已出

宮門抄

二月初五日 禮部 學部 正紅旗值日 德公 葛寶華各續假十日 琦侯續假十五日 意公請假十

日 麒德 吉陞各假滿請 安 內閣奏派驗放大臣 派出恭王 李殿林 壽耆 崇勳 召

見軍機 劉彭年遞封奏一件

交旨

二月初五日 軍機大臣欽奉

諭旨民政部右丞劉彭年奏學堂辦理不善流弊滋多亟宜整頓變通一摺著學部議奏欽此

奏議錄要

學部奏酌擬廣東高等學堂豫科畢業獎勵分別准駁摺
奏爲酌擬廣東高等學堂豫科獎勵分別准駁恭摺具陳仰祈
聖鑒事竊准兩廣總督咨稱據廣東提學司詳
稱廣東高等學堂甲班於光緒三十年上學期開學當時尙未奉到新章一切學科年限皆遵舊章辦理丙班於三十
十一年下學期開學遵照新章選品行端謹中國經史文學確有根柢之生先補習各種普通學一年再升入本科
一條辦理並加增鐘點酌展補習年限歷五學期至三十三年一律畢業且各生未入堂之前有曾入程度相當之
官立公立學堂歷一二學期至三四學期者惟學生肄業年限參差不齊未便全無區別擬分辦法爲三類其一爲
已滿年限之學生擬分別日期在未奉新章以前或已奉新章以後各按年限照中學畢業請獎其一爲未滿年限
之學生此項學生本有中學程度惟以年限未滿擬援湖北高等農業補習普通科成案參照中學及高等小學堂
章程減等請獎其一爲在堂年限未滿而未入堂之前曾入程度相當官立公立各學堂功課分數有案可稽者擬
將在他學堂之分數與本學堂歷年分數平均計算如合計能滿年限仍請照章給獎等情詳請咨部查核分別奏
獎等因到部查廣東高等學堂豫科畢業請獎一案前經廣東提學司轉陳辦法三條詳部核議其所陳各節概與
此次粵督來咨相同當經臣部逐條詳核議以該堂豫科學生凡入堂在未奉新章以前准其援照山東福建等省
成案以四年畢業照章給獎至新章既經宣布以後仍應按照五年畢業辦理以符定章其在堂未滿年限學生如
於未入本堂之前曾入程度相當報司有案之他學堂所授功課與本堂無甚差異且未經別堂斥退而有各學期
考試分數單者准其將前後在堂學期合併計算至所稱未滿中學年限之學生擬援湖北高等農業補習普通科
成案參照中學堂及高等小學堂章程減等請獎一摺查各學堂獎勵定有專章本無所用其比附卽所引湖北高
等農業補習普通科成案亦因中等實業學堂原係三年畢業照中等實業獎勵雖爲減等而按中等實業年限並

未縮期斷非他項學堂所能援以爲例各等因行文去後旋准該督來咨仍申前請蓋因該督行文之日尙未接到部覆所有該學堂豫科畢業獎勵仍擬按照臣部前咨辦理凡在新章未頒以前入堂肄業已滿四年新章既頒以後入堂肄業已滿五年暨曾入程度相當報司有案之他學堂與本學堂合計肄業已滿四年或五年且與臣部訂定轉學章程相符者均准照章給獎其不滿中學年限者應照章准其升學不給獎勵查奏定中學堂畢業獎勵章程最優等作爲拔貢優等作爲優貢中等作爲歲貢下等發回原學作爲優廩生茲據廣東高等學堂冊開豫科甲班畢業取列最優等之王伯栴陳達魁胡畧陳灼垣等四名以在他學堂與本學堂合計肄業均滿五年且與臣部訂定轉學章程相符劉崇亨吳冕莊述堯等三名入堂在未奉新章以前肄業已滿四年何惺常凌英游金銘何銳等四名入堂在未奉新章以前以在他學堂與本學堂合計肄業已滿四年亦與臣部訂定轉學章程相符以上十一名擬准獎給拔貢生甲班畢業取列優等之高慶禧陳永幹陳善百張春暉袁廷英翟文藻梁詩耀朱桂榮程振略等九名入堂在未奉新章以前肄業已滿四年梁湛燦一名以在他學堂與本學堂合計肄業已滿五年亦與臣部訂定轉學章程相符又補行畢業取列優等之吳宣詩一名入堂在未奉新章以前肄業已滿四年補習畢業取列優等之李代泰蘇其澍等二名肄業均滿五年以上十三名擬准獎給優貢生甲班畢業取列中等之陳景福楊壽宜譚毓明溫緝光鄭以惠梁大年羅其思等七名入堂在未奉新章以前肄業均滿四年補習畢業取列中等之黃懿謨李鴻疇二名肄業已滿五年以上九名擬准獎給歲貢生甲班畢業取列下等之姚禮維一名入堂在未奉新章以前肄業已滿四年擬准作爲優廩生仍照章發回原學補習豫科丙班畢業取列優等之何憲珍一名以在他學堂與本學堂合計肄業已滿五年擬准獎給優貢生其餘甲班學生之尹燭堂劉肇昌二名學期雖滿係由東莞初級師範學堂轉入與部定轉學章程不符馬文芳陳英輔鄧永甲吳宗泰等四名丙班學生之胡杲一名皆係插班在已奉新章之後甲班學生之魏藻沖張樹棠汪宗準胡文海羅詒先陳仕曝黎壽祺等七名肄業均僅六學期丙班學生之梅衍翌等三十四名肄業均僅五學期碍難核給獎勵如蒙 俞允卽由臣部行知兩廣總督遵照辦理除將該學堂學生分數清冊由部存案外所有酌擬廣東高等學堂預科畢業獎勵分別准駁各緣由謹繕摺具陳伏祈

皇上聖鑒再此摺係學部咨商禮部會同辦理合併陳明謹 奏宣統元年正月二十四日奉 旨依議欽此

陸軍部奏宿衛營出力各員擇尤請獎摺

奏為宿衛營出力各員遵照奏案擇尤開單請獎恭摺仰祈 聖鑒事竊臣部前經附奏第六鎮宿衛營官兵當

差多年請調令回鎮休養訓練由第一鎮選調兵隊接替填紮並請將該鎮統領各官擇尤保獎其兵丁擬請分別

賞給恩餉等因一片於光緒三十四年十一月二十日奉 旨依議欽此仰見 朝廷體恤戎行微勞必

錄之至意闔營官弁兵丁等無不激勵奮勉感誦 皇仁違於是月二十三日一律調回第六鎮即由第一鎮選

調官兵接替填紮並經臣部派員前赴第六鎮會同該鎮統制將該鎮兵丁應領 恩餉按照入值年分酌定數

目按名發給祇領各在案所有歷年宿衛實在出力自應遵照奏案請給獎叙以昭激勸現據該鎮統制官趙國賢

核明開具清單呈請奏獎前來臣等復加詳核切實刪減擇其尤為出力各員按照異常勞績請獎五十五員按照

尋常勞績請獎三十二員分繕清單恭呈 御覽伏念該員等或早供環衛夙著辛勤或久值 禁廷甫回鎮

管數年以來入資巡護出備扈從與他項勞績不同合無仰懇 天恩俯准照擬給獎出自 鴻慈逾格除文

職各員應俟 命下之日將履歷咨送吏部辦理及千把總以下末弁向歸咨獎者擬由臣部核照勞績酌給獎

叙外所有應行奏保宿衛出力各員擬請獎叙緣由謹繕摺具陳伏乞 皇上聖鑒訓示遵行謹 奏宣統元年正月十二日奉 旨依議欽此

謹將宿衛營尤為出力文武各員酌擬異常勞績繕具清單恭呈 御覽 記名總兵王開福 擬請 交部

從優議叙 留直儘先補用副將李純 擬請俟補副將後以總兵 記名簡放 補用副將張永成 擬請免

補副將以總兵 記名簡放 花翎二品銜直隸儘先補用道廣增 花翎二品銜留直補用道江朝宗 以上

二員均擬請仍以道員 交軍機處存記 留直補用參將李鳳舉 擬請免補參將以副將留直補用並加總

兵銜 留直補用參將李玉衡 兩江補用參將楊紹寅 以上二員均擬請免補參將以副將仍留原省儘先補

用 副將銜留直補用遊擊馬繼增馬良 以上二員均擬請免補遊擊以參將仍留原省補用 留直補用遊擊

周符麟 擬請免補遊擊以參將仍留原省儘先補用並加副將銜 儘先補用遊擊殷貴 擬請免補遊擊以參

將儘先補用 遊擊銜補用都司李奎元 儘先補用都司馬立功 以上二員均擬請免補都司以遊擊儘先補用並加副將銜 儘先補用都司徐大宏 擬請免補都司以遊擊儘先補用 正軍校宋玉峰 協軍校湍多納裕厚 以上三員均擬請以應升之級記名 儘先補用守備蘇得勝 補用守備邱昌錦 以上二員均擬請免補守備以都司儘先補用並加遊擊銜 儘先補用守備宋國珍 史廷梅 王鴻恩 呂鵬林 王得成 補用守備范青雲 冷得順 以上七員均擬請免補守備以都司儘先補用 分省補用知縣田沛 擬請俟補缺後以直隸州知州補用並加知府銜 分省試用縣丞路良繼 擬請免補本班以知縣仍分省補用 選用縣丞王裕庭 趙學濤 以上二員均擬請免選本班以知縣不論雙單月儘先選用 選用縣丞田經年 擬請免選本班以知縣選用儘先補用千總周文炳 李相 朱連祥 以上三員均擬請免補千總以守備儘先補用並加都司銜 儘先補用千總張發祥 王韞章 殷振衢 丁萬清 唐學禮 邵奎 王永 王正魁 張寶林 姚洪魁 王連陞 王茂森 曾光華 朱信山 王利賓 趙明德 郭玉平 王登高 徐鳳春 刁鳳朝 潘得勝 以上二十員均擬請免補千總以守備儘先補用 謹將宿衛營尤爲出力文武各員酌擬尋常勞績繕具清單恭呈 御覽 升用副將補用參將岳成 擬請賞加總兵銜 儘先補用守備周鳳亭 擬請俟補缺後以都司補用 陸軍部遇缺即補 郎中李福德 陸軍部員外郎桂海 以上二員均擬請 賞加四品銜 陸軍部五品銜額外主事朱鈞 擬請仍以主事遇缺即補 同知銜分省補用知縣楊以來 擬請俟得缺後以直隸州知州補用 陸軍部筆帖式周祺 擬請賞加五品銜 陸軍部筆帖式蔡用勳 擬請以主事遇缺即補 陸軍部筆帖式陳憲章 擬請開缺以主事即補 陸軍部候補筆帖式承厚 擬請俟補缺後以主事遇缺即補 補用千總陳雲發 擬請俟補千總後以守備補用 議叙縣丞陳公錦 候選縣丞蔡繼鐸 以上二員均擬請俟選缺後以知縣補用 直隸試用縣丞蕭維翰 分省試用縣丞張仁濤 以上二員均擬請俟補缺後以知縣補用 候選縣丞陳慶元 擬請俟選缺後以州判補用 縣丞職銜李殿臣 趙書堂 吳光正 尉遲喬林 以上四員均擬請以縣丞不論雙單月選用 直隸試用從九品張建功 擬請俟補缺後以主簿補用 選用從九品趙玉瑛 擬請俟選缺後以主簿補用 府經歷職銜陶沅 擬請以府經歷選用 廩生胡國棟 擬請以縣丞不論雙單月儘先選用 增生劉繼武 擬請

以縣丞不論雙單月選用 附生王樹本陳熾昌龔已修 以上三員均擬請以巡檢不論雙單月選用 附生蔡之澂 擬請以巡檢選用 文童王慶春張家驥王曰墓 以上三員均擬請以從九品不論雙單月選用 于萬

公牘錄要

學司傳詳保定法政學堂續收官費自費學員文並批

為轉詳事據保定法政學堂監督李守大防詳稱竊查卑堂乙丙兩班學員一百九十五名業於本年冬季先後畢業現在卑堂祇餘丁級別科官班學員一班十一月間蒙藩憲考試候補人員取列三者咨送八十名到堂十二月間復補考候補人員尚未揭曉俟揭曉後擬於明正一律傳收來堂遵照 憲政編查館新章編為一年半班按照 學部奏定法政講習科課程辦理其乙丙兩班畢業學員所餘官費津貼京平銀一萬兩擬以之分給新收官班按前後所送各員人數分別正佐一律攤發不再添籌以節帑款惟卑堂官班之外向有自費班當此實行預備立憲時代各士紳情殷向學稟請入堂肄習法政者絡繹不絕自應仍舊收考以謀普及擬於明正按照 學部奏定別科章程續招舉貢生監及候選人員兩班入堂肄業每名按月徵收學費銀元均不在堂食宿如蒙允准實於學務有裨所有續收官費自費學員緣由理合具文詳請查核轉詳伏乞照詳施行等情據此查法政學堂內得附設別科及備習科久由 學部奏明通行在案今該監督所擬講習科畢業期限作為半年既與部章相符而別科亦應責令遵照 奏章辦理期無違舛如此官紳同施教育而法律智識乃能藉以普及有裨學務實匪淺鮮除批令認真辦理外理合備由轉詳為此詳請 憲台查核伏乞 照詳施行

督憲楊 批如詳飭遵繳

灤州官礦公司稟第一礦添開附井暨先行試辦附礦文並批

敬稟者竊查本司職道等於光緒三十四年四月奉 憲台札飭籌辦灤州官礦公司劃定馬家溝為第一礦石佛寺為第二礦窪里為第三礦二處均開大井中間所用小井視與何處相近即作為某處附礦先後稟蒙 鑒核批准在案現查第一礦馬家溝之正礦所開大井風井業經布置就緒復在附近銀子溝地方添開小井二處亦皆次第開工現在亟應接辦第二礦井工擬仍按照第一礦辦法由石佛寺附近趙莊地方先用土法試採作為第二礦

之附礦其餘均分期陸續興辦藉盡地利而廣行銷所有第一礦之正礦添開附井並接辦第二礦仍先從附礦開
起陸續興辦緣由理合稟請 憲台察核准予立案批示祇遵實爲公便

督憲楊 批如稟立案繳

南宮縣朱令貞保稟紳民捐款興學請獎文並批

敬稟者竊查卑縣紳民捐助學堂經費曾經前縣徐令彙案稟蒙 前憲台核准奏獎並頒發獎札功牌分別獎勵

在案茲復據勸學所總董稟送捐助學費各紳民清單聲明款已收齊續請彙核轉稟請獎前來查清單內開捐助

京錢一百五十千者范存智等二名二百千者張梅峯等二十八名又續捐京錢五十千連前共捐京錢一百千者

陳玉振等二十一名均請獎給七品功牌又馮鄧氏一名捐京錢二百千劉傅氏梁余氏邱李氏三名各捐京錢一

百千均請獎給匾額理合造具姓名捐數清冊稟呈 大帥查核俯賜准予獎叙以昭激勸而裨學務實爲公便肅

此恭請 勸安伏乞 垂鑒

督憲楊 批稟冊均悉該民人范存智等捐助學款所擬獎叙核與歷辦成案不符礙難照准仰提學司另行核擬

江督端札督練公所考核軍士品學文

爲亂動事照得官長者士卒之表率品性學問智識三者缺一不可苟其學問智識之短淺其流弊中於軍隊尙祇

無用而若其品性之不良則影響所及禍患將在不勝言者本部堂於新軍所放兵官雖一排之長司務之員必

親自傳見考驗誠慎之也不謂日前所傳驗之三十三標差遣郝青田間以教育兵卒何者最要軍人道德何者最

重軍人對於君國有何等義務該差遣或對或不對要其於學問智識毫無所有可以決定至義務之問題則所答

尤爲荒謬可以證其平時品性之不良似此一無足取之軍官豈容濫乎軍界惟本部堂忠厚存心不願於立談之

頃以言廢人應即轉行發交鎮署禁足一個月由該鎮嚴加察看如係拙於應對情尙可原果其習與性成無須姑

息再時再由該鎮據實具詳諒示核辦因念本部堂目前發問之事皆軍人必不可少之知識國家歲費若干萬

造養學生教育軍隊之鉅資而其結果乃至有軍官資格於此等普通知識尙屬慙然此誠最堪痛恨者也以此之

故本部堂不得不將前項命意所在宣布於衆以冀周知夫教育兵卒自以精神教育爲最要該差遣則以操練當之操練一事誠與精神教育有絕大之關係特該差遣未必能知然而軍人道德者軍人精神之根柢也該差遣並不知軍人道德更何知軍人精神且就軍人道德而深言之則忠君愛國又軍人精神中之精神忠君之義爲我國二千餘年來之國粹亦爲東西君主立憲國不易之常經凡有血氣無不深知至愛國二字之發見乃因晚近帝國主義之潮流日以加甚不得不提出此主義以爲忠君之元素蓋君者國之主體一心惟知有君者卽一心惟知有國分言之曰忠曰愛合言之曰義字而已且愛國之解釋在軍隊中人所應知者極爲單簡可一言以蔽之曰知愛己國而不知有他國而已且本部堂所發問者係軍人對於君國有何等義務是指軍人効忠於君効力於國而言若泛言愛國尙屬於思想之一派與義務何關德國軍人之誓文曰無論平時戰時及海陸戰爭苟有効命之機無不矢忠於普魯士王維廉第二及我國主冀報涓埃而固邦基凡軍律以及軍隊內規則命令無不敬謹遵從所有某此後一切行爲悉從軍人素質以信義勇敢爲本以盡我軍人之義務而全我軍人之名譽日本橋周太少佐平日著述最多均以忠君愛國爲本與廣瀨海軍中佐英名并著一則稱爲海軍之神一則稱爲陸軍之神彼其人以君國爲一體卽以忠愛爲一事該差遣則祇知有國不知有君尤染近今荒誕之惡習最爲可恨者也夫郝青田者不過一差遣之員尙未負指揮與教育之責卽使品性不良而其學問之陋智識之劣尙不足以濟之本可無庸置議本部堂之齷齪過慮者慮有高出於郝青田之學問智識而又非居郝青田之閒散地位者耳現在本省實缺官長監視締密或不至有不學無術之輩混雜其間如其有之務當立時撤退不可姑容所尤應經意者惟此隊附之軍人如差遣如見習如候補生之類目前雖居閒散異時卽屬號官若不慎重於先難免貽悔於後此其責任全在軍隊之中之有教育權者查日本隊附之員皆由本隊長官造具該員之品性學術程度表秘密呈送上官以資考證此後本省軍隊應行做照辦理除分行外合亟札飭札到該總參議等卽便轉飭一體遵照切切此札

文告錄要

督憲批示錄要○武清縣姚令佐寅稟津武口岸鹽務餘利擬懇協濟本縣新政經費以資補助請示遵由 批據稟已悉查此案前據該縣學社稟經批司核議津武口岸實無餘利可撥業經批示在案茲據前情仰運司覆核

籌議飭遵具覆稟抄發此繳○警務處詳查核曲周縣巡官槐蔭清緝捕出力請給獎由 批據詳已悉查曲周縣巡官槐蔭清緝捕出力應准給予五品獎札以示鼓勵茲將獎札隨批印發仰即查收轉發該縣給領此繳
藩台牌示彙錄○爲牌示事照得官班考列三等送入本堂肄業各員定於本月初三日授課仰各該員務於是日早七點鐘來堂八點鐘上課切切毋違此示○又示 爲牌示事照得官班考列三等咨送本堂各員業經諭令於本月初三日上課在案仰各員均於是日早七點鐘整齊衣冠來堂以便預備行開學禮合再牌諭爲此示仰官班考列三等各員一體遵照此諭○又示 爲牌示事照得本日考試諸生所有試卷本堂從速校閱數日之內即行出榜定期覆試與考諸生均宜守候數日切毋遠離自誤此示

學台批示○獻縣高等小學堂畢業生劉禾浦稟爲投考師範因病悞場懇恩補考一案 批已將來稟及畢業憑照飭送天津師範學堂仰即赴堂候考此批

保定陸軍第二鎮示○本鎮夜間演練 警戒莫敢或違 會當春陽初動 禾苗尙在收藏 保定附近數里

隊伍經過匆忙 晝夜不時奉發 兵士赴敵趨踰 槍砲施放空響 百姓切毋驚惶 特此出示曉諭 父老轉告村鄉

天津勸學所公啓○敬啓者現擬於二月十六日下午一點鐘會集圍牆以內及圍牆以外地址較近之官民立各小學堂高等第三四兩學年級學生在河北大街甘露寺宣講所會考其試題係(國文)(算術)兩科所有貴堂應行與考學生若干務請於初九日以前開具姓名函交敝所以便造冊備卷(但用草書姓名年歲不必學寫三代)屆期仍祈管理員帶領學生早到爲盼

電報錄要

路透電○美國鋼鐵公司聲稱不能將鋼軌之價減少現有大公司五處議定仍照舊價其小公司雖有減價之處於商務無甚妨碍

又電○俄國駐土公使聲稱俄國以王禮迎接布國親王僅係平常禮節於外交政治無甚損碍

又電○美國遊歷太平洋艦隊現在航回漢布敦地方(舊金山港口)美總統於西二月二十二號在該埠舉行歡

迎禮

又電○英國戰艦德瑞納提號式之第七艦溫噶爾德號現在巴魯地方進水

柏林電○俄政府現已允許承認布親王爲自由之王

又電○英法兩國照會奧政府擬將奧塞交涉問題和平了結聞奧政府不願列強致函塞國干預此事云

新政紀聞

政治

催取揚屬統計表件○江南省統計局前經札飭所屬一律查填統計表以備考核惟揚屬八州縣尙未一一照填除已填之州縣業已由府申送外其未填之州縣非於年內辦齊不可故嵩太守札委人員分赴各縣守提矣

籌設調查員養成所○江蘇鎮江府承瑞卿太守頃奉蘇垣諮議局籌辦處移開以開辦地方自治應先從調查地方風俗習慣戶口生計入手而此項調查員必先具有法政知識方可從事現在朝廷注重地方自治應即籌設調查員養成所選舉明達紳士來所肄習以資造就等因太守奉文後已會同本城紳士妥籌議辦矣

學務

飭造私塾課程表○安徽蕪湖縣沈大令日前奉沈提學札飭將各私塾師姓名住址及各生課程所用書籍一併列表送呈察核等因沈大令當即照會私塾改良會轉行知照

造報鄂省學堂總數○湖北學務公所刻遵學部定章將戊申年省內外學堂總數彙齊造冊報部計現設有師範學堂四十三所附有小學堂九所普通中學二十所專門學堂七所實業學堂十二所高等小學堂一百十七所初等小學堂一千零八十八所半日學堂二十二所女學堂十五所幼稚園三所

軍政

派員赴日考察軍制○江督端午帥以去冬江鄂舉行會操曾經組織機關砲隊電信輕氣球等交通隊事屬創舉頗費經營現在秋操已畢自宜陸續編練以重軍備惟中國向無此項定章亦未經詳加研究特派委前充兵備處幫辦游捷前赴日本按照交通隊各項辦法及機關砲隊之編制教育材料保存等事悉心調查詳細記錄以

便有所效法

陸軍統計表辦齊○蘇撫陳伯帥前奉陸軍部飭將蘇省新舊各軍餉項經費及所用軍裝鎗砲藥彈等類一律開造統計表送部當經分札督練公所巡防營務處轉札各該營遵辦在案嗣因混成協督練所各處均皆造送前來而巡防隊水陸各軍久未造到迭經一再催飭現聞該營均已辦齊特於日前呈送營務處司道轉呈撫院以便即日咨覆大部云

禁煙公所擬開驗武員○蘇省禁煙公所因官界戒煙一事功令森嚴所有文職人員業已分班傳驗將次一律廓清至武職人員尙未實行調所查驗亦未據該管官造冊詳報業經總辦沈旭初觀察調查得蠶墅汎弁某某等案染煙癮且在鄉鎮私賣洋煙殊屬有違定章已詳請撫院派員澈查聞擬日內舉行查驗武職云

實業

詳請改良茶務情形○江南商務總局具詳督院云案據植茶公所委員陸潔稟稱竊於光緒三十一年由英屬錫蘭印度回國三十二年五月蒙憲台派充江南商務局植茶委員在江甯鍾山勘定地段參仿印錫新法創辦茶務以期華茶逐漸改良等因深遵卽於夏秋間勘定該山地段闢路建屋興墾布種卽於是年十月開局先後稟報在案伏查兩載以來常蒙憲台親臨策勵司役人等勤奮耐勞舉凡播種粒數深淺之試驗購造肥料驅除害蟲之試驗以及寒暖晴雨之試驗靡不逐條研究兩屆布種茶苗均極旺盛盛本年因地段狹窄覓地擴充秋間又勘定青龍山之桃源官荒建設分所現在兩山同時墾闢以便及春分種造成茶林理合將公所兩年成績預算採製情形開具清冊並分印各區試驗圖片具稟呈叩備案伏乞憲台俯賜察核轉詳督憲實爲公便等情並圖冊到局據此查該員供差兩年尙屬得力茶務亦漸有成效除批示外理合將呈到圖冊具文詳送仰祈憲台鑒核照詳施行奉批該局在鍾山附近地方設立植茶公所仿照印錫新法研究種植實地試驗現又在青龍山附近建設分所覓地擴充茶務已漸有起色深堪嘉許至所陳預算採製情形自係爲實行改良華茶起見仰卽督飭該委員隨時妥籌辦理

委查營基改設農業場○浙江甯波府鎮邑之竺山吞已廢營基暫作爲農業試驗場招墾收租充教育會經費一

節業由前任鄉令稟請省憲察奪在案茲經兵備處憲委謝起鸞大令至鎮會同該縣確切查明察覆核辦茲聞該委員已於日前抵鎮矣

商務

上海商餘補習所重訂簡章○宗旨 爲商界子弟培養德性增廣智識 學科 國文 商業道德 商業實用

尺牘 算術 英文 學時 每晚七時始九時止先十分鐘到所如有要事須憑店主來信請假 學費

不收惟書籍自備每生每月貼燈油雜費洋二角 學址 老學前節孝祠後廳 報名處 本會各會員貞元

小學校東街林宅

獎勵商民開新商場○廣東香山縣職員王鏡等擬在該邑荒地開闢商場稟奉勸業道批云開闢商場墾植荒壤

誠爲農務要政該職等以縣屬山場吉大兩鄉交界土名灘環民荒約七百畝宜於種植工藝局亦可藉此振興

擬劃地築堤建舖興辦實業商埠與該兩鄉紳耆訂租立約議章籌辦洵屬根本至計惟查該處內河水海是否

係屬蠔田果否確係民荒該職等所議章程按之本處地方能否悉協現在籌議開辦究竟准集資本若干查該

地近前山應由香山縣會同前山廳刻日前往勒明按照所繳章程迅速察核稟覆核奪候分札前山廳香山縣

遵照辦理

路礦

調查鐵路人員表冊○現聞郵傳部擬將各省鐵路聘用華洋工程師以及各項人員銜名履歷任事年限薪水數

目一律調查列表以憑核奪

純錫鍊廠開工試辦○湘省華昌公司於去歲十月間由該社派洋工程師兩人偕同留學英美礦學畢業生梁王

兩君到湘將機器安置配置至臘底始行安妥當經試鍊錫養今正月初六七日又試鍊純錫均有成效惟現在機

件尙未十分完全大約日內始能開辦

試探陽春煤礦有效○粵省肇慶府陽春縣屬潭濤岡印光山等處一帶煤礦暢旺上年經商人金廣等集設公司

稟奉粵督咨准農工商部核發勘礦執照現該商試探煤礦苗質尙旺已探出煤斤二萬餘擔運省試銷特稟勸業道俯准遵章先納出井煤稅照會沿途關卡免再納釐等情陳觀察特將探礦各情轉稟張安帥咨部察核

第四條 本所授業時間每星期以二十四小時為限其各學期課程列表於左

授業時間表

第一學期

每星期

第二學期

每星期

學科

學科

法學通論

民法大意

憲法

經濟學

國際公法

財政學

地方制度

選舉法

警察學

戶籍法

合計

二十四小時

合計

二十四小時

第四節 休假日

第五條 本所休假日如左 一星期 二國慶及本局開設記念日 三端午及中秋 四暑假 五年假

第五節 學額及資格

第六條 本所研究學員由各廳州縣會同各教育分會勸學所紳董擇尤保送至少二人多不得過三人其各處

駐防應送幾人由本管長官核費酌送惟每處亦不得過二人

第七條 各廳州縣選送研究學員須具有左列之資格 一在各該廳州縣繼續住居五年以上及置有不動產

者 二年齡須滿三十歲以上五十歲以下者 三品行無虧 四文理清通 五身體健全 六不染嗜好

七鄉望素孚有紳士資格者

第六節 入學及退學

第八條 凡研究學員由各廳州縣保送到所經本所復加考驗其與第七條所列資格合者方得取入其不合格

者遣回飭令補送

第九條 凡取充本所研究學員須具履歷書呈本所查核其格式如左

履歷書

一姓名 年歲

二住所 職業 保送地 備考

三文 宣統 年 月 日姓名印押

第十條 凡研究學員遇有左列事項得由所長酌令退學 一行為不良 二荒廢學業 三學期試驗之成績

有三科以上不及格者 四身有疾病不堪造就者 五不遵守本所規則者

第十一條 凡研究學員因不得已事故自願退學者須具理由書呈經所長許可其係因病者並須附呈醫生之

證明書 如非前項之退學員由本局備文飭令原送各廳州縣追繳膳宿等費

第七節 試驗

第十二條 本所試驗分學期試驗臨時試驗兩種其學期試驗於每學期末行之臨時試驗由教員定之

第十三條 凡試驗評定分數分別等差均按照學部定章辦理

第十四條 凡兩學期試驗均合格者一律給與畢業證書

第十五條 本所設職員教員如左

一 所長兼教務長一員即以局長充之 二 正教習一員 義務教習二員 三 庶務兼會計員即以本局庶務

課人員充之 四 書記員即以文牘課人員充之 以上各員除局長已經由撫憲延訂外餘均由局長分別聘

請委任之

第九節 寄宿舍

第十五條 本所暫不設寄宿舍凡學員應自擇旅館寄宿俟本所將來置有相當房間時再定寄宿規則

第十一節 經費

第十六條 本所經費分開辦經常臨時三種由局長核定數目稟請撫憲批准撥給

二十日

督憲楊准學部咨各省認解日本五官立學校經費及

學費札飭提學司按期匯東文

督憲楊准農工商部咨商人稟辦蘆州柴煤小礦請飭

局核辦札飭礦政調查局查覆文

督憲楊准藩學兩司詳萬全縣擬裁師範學堂改設自

治學社文

運司等詳遵飭會議職員張寶銘等所請疏通河淤行

駛小輪設局收捐各節礙難照准文

保定工巡局稟偷竊電線匪犯訊供擬議請示文

二十一日

郵傳部通飭各路局不准用乾脩人員札文

理藩部咨農工商部將蒙古鹽樣稽覆等詳晰考核文

理藩部咨覆東督派員會同旗員勘丈邊界文

督憲楊准江督咨送女師範生札飭女師範學堂查照

文

督憲楊准豫撫咨豫省鐵路公司鹽捐擬自本年六月

初一日起開始抽收札飭鹽運司遵照辦理文

高邑縣倪令鑑稟高等小學堂仿行樂賢會情形文

二十二日

學司詳平泉州民人宋振東捐學費請獎文

直隸礦政調查局詳阜平縣征解煤稅開支傾鎔火耗

恐干部詰請示文

吉林民政司謝通行各屬並告吉省士民文

二十三日

郵傳部札飭電政局遵

文

學司詳高陽縣請給捐助商業學堂之王士貞等獎勵

文

直隸警務處稟附設警察研究所請批示祇遵文

甯津縣雷令澍稟查明縣境難以修舉農田水利文

二十四日

北洋機器局稟職局需硝斤數仍由官硝局照章採辦

解局一應價值情愿議增文

定州陳牧燕昌稟設立教育會章程文

二十五日

郵傳部札飭電政局新定限制二等公報章程通飭遵

辦文

又札飭電政局籌議歸併湖北官電各局文

北洋啓新洋灰有限公司稟洋灰出數增多請咨部轉

飭各路局購用文

任縣謝令昂麟稟創立巡警傳習所並開辦日期文

二十六日

直隸工藝局稟所辦各項工藝現應因時制宜敬陳管

見擬定辦法請示遵文

邢州陳牧實銘稟遵飭勘估農田水利情形文

鉅鹿縣涂令福田稟產硝村民羣起效尤請飭降平等

縣一體偵察禁戕文

長垣縣田令鴻文詳據商人恒德詳請加價錢文與辦

工藝文

二十七日

郵傳部咨駐美公使咨保鐵路專門學生候畢業後調

部差遣文

通州廖牧學榮詳州境港溝運河等處堤工遵批詳請

飭局撥款委員與辦文

武強縣韓令炳樞稟查勘縣境農田水利情形文

山東墾務局詳撫院利津淤荒辦理完竣文

二十八日

郵傳部咨山東撫院解部電報資質粗疎宜設法改良

文

學台盧札飭各屬辦學官紳按照本年例會議決各條

次第試辦文

學司詳初級師範簡易科畢業生請獎文

造幣津廠詳擬由官銀號撥借鑄本銀兩請核示文

直隸工藝總局詳實習工場續訂章程請示文

二十九日

督憲楊准郵傳部咨大清銀行交付津浦鐵路債票末

次銀數札飭司道查照文

督憲楊咨覆順天府核議縣丞捐助學費照章獎勵文

學台盧通飭各學堂改良教授作文辦法文

天津縣議事會申請學台札飭清丈公所速行移交文

三十日

督憲楊准鄂督咨鄂解京餉銀改用火車自行備價

札飭藩司查照文

玉田縣李令學富稟私塾改良請立案文

山東蓬萊縣徐令致榆稟撫院設立織布公司文

五月初一日

督憲楊准陝撫咨委員考查法政事宜札飭北洋法政

學堂查照文

學台盧通飭各學堂補錄整頓學務條件文

直隸警務處稟請批飭各州縣將從前自行擬定警務

章程一律廢止悉照此次稟定職務權限及處分規

則請示文

署隆平縣曹令蔭形稟訪聞境內確匪蠢動請電飭緝
私總局速派馬勇來縣鎮攝文



蘇州七里山圖

得利洋行

本行開設天津上海香港志呢華海參等處均設立有年諸班貨物由外洋本機器廠自造法蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表鍊金鑽珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行主人啟

日本最近政學調查記廣告

近來游歷日本冠蓋相望口記一書浩如煙海求其見聞確實鈎玄纂要者每不多覩膠州逢馥齋觀察承項城袁樞相之命赴東攷察政治游歷匝年於政治議會察裁判監獄軍事學務農林漁業鐵道銀行無不各有心得洞見源流是以載筆成書原原本本網羅無遺復經日本大隈伯爵高田博士贈以序文推其典麗翔實得未曾有自嘉應黃氏之日本國志德清傅氏之日本圖經外得此而三久為各當道稱許現當預備立憲時代有欲研究政學者乎曷手一篇耶所印無多賜顧者請速購為盼

寄售處

天津河北獅子林北洋官報局
新考工場內路南教育圖書局

及各大大書坊 定價大洋一元四角

本號開設（北京前門外鮮魚口）（天津估衣街中間路北）（山東濟南府院西路北）等處自置綢緞洋貨顧繡蟒花素貢絨絨緞各色抖蓬哈叻厚呢以及京廣什貨織絨綫貨各色俱全貨高價廉劃一不二中外紳商賜顧移玉是幸

瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器球藍 奇巧美術玩器 日用雜貨俱全 學界文房用品 旋行携帶等件 精工裝身物料 定織各色蓆氈 如蒙官商光顧 價值格外從廉 貨多不能備載 本行隨便入覽 電話一千三百七十四號 天津法租界 武齋洋行謹啓

啓新洋灰有限公司廣告



啓者本公司係承唐山洋灰公司創設新廠歸併舊有之老廠擴充辦理改
 名啓新洋灰有限公司真奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰足數主顧購用尙有製
 考驗拉力俱高外洋之貨且機器加大出灰足數主顧購用尙有製
 之紅花磚洋灰五水溝管子等項無論零交易均可本公司總理處
 設在天津海大道英租界先農公司對面並設於北京烟台上海漢口等埠均設
 分處銷路廣招徠如蒙訂購交貨無不從速至價廉貨高久爲中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

啓新洋灰有限公司舉行股東會議

敬啟者本公司現屆第二次派利謹擇於二月十六日
 下午二點至六點鐘舉行股東會議座設海大道英租
 界本公司總理處務祈有股 諸君於是日未刻 惠
 臨集議爲盼
 本公司謹啟

京師自來水公司提前付給官利廣告

查本公司定章二月會議三月付利原爲年終結賬贏餘紅利諸待核算現在創始工程正在開辦股東會尙未成
 立且未開市售水並無紅利可結現蒙 直隸督憲按照奏案籌撥官款保息以昭大信業已如數撥到爰將各股
 東自交股之次日截至光緒三十四年年底所有應得八釐官利提前付給茲特與天津銀號商定代付官利辦法
 凡各股東有願在京城取息者不論當年初係在本地或願改赴外埠交股均可到東門外天津銀號照付其有
 願在外埠原交股處取息者聽惟此埠股東或願改赴外埠交股者須預先一個月到原埠掛號聲明以便分別會
 指之處屆期照付免致不能接洽現定京城自正月十六日起外埠尙有未經換取者請各股東持收條迅速往換附
 各該處支取息銀特此廣告再所有股票業於年前分寄各股東尙有未換取者請各股東持收條迅速往換附
 以奉聞

付利處天津銀號住址

北京東安門外
 天津北馬路
 張家口下堡大新店內
 上海北馬路興盛棧內
 漢口永甯巷上首胡同昇首飾店對過
 保定北大街
 唐山大街路南

為諮議局議員者臨金

總發行所 上海商務印書館分設
京師 天津 太原 成都 漢口 福州
奉天 濟南 開封 重慶 長沙 廣州

今年九月各省開辦諮議局 議員責任繁重 非研究有素 臨時必至周章 故凡為議員者 第一須知普通政法之學理 第二須知立憲制度之精神 第三須知地方自治之組織 第四須知會議決議之方法 本館所出政法書百餘種 茲選其尤簡要而又有合於斯四者 分別列目 幸垂鑒焉

◎普通政法書 法學通論七角 法制經濟通論四角 政法理財講義五角 日本法制要旨一元 日本明治法制史九角 政治講義五角 法律經濟辭典七角 法規大全解字四角

◎憲法書 政治學及比較憲法論二元 憲法研究書一元 憲政論四角 日本憲法義解三角 日本預備立憲過去事實五角 立憲國民讀本三角

◎議會書 日本議會法規四角 議會政論一元 日本議會必攜八角 地方自治書 自治論七角 歐洲大陸市政論四角 地方自治財政論五角 地方自治淺說三角 此外政法書之尤重要者

◎法律 有日本法規大全 八十一冊 日本六法全書一元 比較國法學一元 國法學一元 行政法論一元 行政法各論一元 民法原論一元 政治 有列國政要三元 政治學一元 那特經政治學一元 政治法論一元 行政法論一元 行政法各論一元 民法原論一元

◎財政 有經濟通論七角 理財新義二元 英國度支考四角 國債論三角 計學教科書一元 理財學講義四角 計學淺訓二角 教育 有日本明治學制沿革史五元 歐美教育實際二元 德國學校制度一元 警察 有警察講義錄一元 雖卷較繁 議員苟有餘力而兼治之 則受益無窮矣 尚有諮議局章程箋釋四角 諮議局章程要義五分 諮議局調查須知五分 諮議局選舉須知一角 諮議局章程表解三分 尤人人所必讀無待贅言也 (河北八胡同電話五百二十六號)

天津商務印書館廣告

京奉鐵路廣告

啓者查直東各處貧民每年春間赴東三省一帶充作小工人數衆多祇以火車票價稍昂多係舍車徒步本局格外體恤減收票價歷經辦理在案茲訂於正月二十五日在天津軍糧城塘沽各車站賣票至營口或新民府瀋陽每人收車脚洋三元另印專票交由該站長公司售賣並飭不准額外需索惟此項買票搭車之人必須實係小工不准夾帶客商希圖取巧該小工等每人祇許隨帶小包行李一件本局屆時派員在各該站並沿途隨時訪查如查有冒混或半路輾轉售票情事輕則照章究罰重則送由地方官懲治其各凜遵特此廣告

本局售報價目

本埠售價官報按日一册每月三十册收價銀六角零購者每册洋銀二分

法政學報十日一册每月三册收價洋六角零購者每册二角

兩種合購每月收洋一圓二角
各州縣報價交銀者除額定銷數照舊收銀九錢外額外分購者統照本埠售價

本局告白刊例

登一日者每字取洋五釐 三日四釐 七日三釐五 十五日三釐

一月二釐五 半年二釐 長年一釐五

以上均按四號字起碼加寬行數照所佔面積計算

登錄商標刻工另議

三號字加半倍 二號字加一倍

急 開市到七年紀念少算八扣

竹材傢俱屏風
花薦東洋花

天津日本租界旭街

澤洋行

告

自正月十九日至二月十八日間

電話三百五十號